



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GRAD
EREN
390
BUHR

B 1,237,968





ՉԱՅԳՈՅԺ

ԱՇԽԱՐԱՆՔ

ՉԱՅՈՅ ԱՇԽԱՐՀԻՆ

ԳՐԵՑ ԵՒ ԱՇԽԱՐՀԱԳՈՒԺԵՑ
ԽՐԻՄԵԱՆ ՀԱՅՐԻԿ

ՏՈՒՇԻ Ի ՄԱՐԻՆԻ,
ՄԱՆՐԻՄ ՀԱՅՐԻՆԱԳՈՒՅՆ ՄԵՐ
ՊԱՐՈՆ ՀԱՄԱՐԱԶՈՒՄ ԱՃԵՄԵԱՆ

Կ. ՊՇԵԼԻՍ
ՏՊԱԳՈՒԹԻՒՆ Ի Մ. ՆԱՅՏՆԱՆ

1877

Հայաստան
ՀԱՅԳՈՅԺ

ԱՇԽԱՐԱՆՔ
ՀԱՅՈՑ ԱՇԽԱՐՀԻՆ

Հայաստան
ԳՐԵՑ ԵՒ ԱՇԽԱՐՀԱԳՈՒԺԵՑ
ԽՐԻՄԵԱՆ ՀԱՅՐԻԿ

ՏՈՒՍԻ Ի ՄԱՄՈՒԼ
ՄՏԵՐԻՄ ՀԱՅՐԵՆԱԿԻՑՆ ՄԵՐ
ՊԱՐՈՆ ՀԱՄԱՐԱՐՁՈՒՄ ԱՃԻՄԵԱՆ

Կ. ՊՕԼԻՍ
ՏՊԱԳՐՈՒԹԻՒՆ Ե. Մ. ՏՆՅԵՍԵԱՆ

1877

THE UNIVERSITY OF MICHIGAN LIBRARIES

GRAD

EDEN

380

Bulw

ԱՌ ՈՂԲԱԿԻՑԴ ԻՄ

ՀԱՅՈՑ ՀԱՅՐԵՆԵԱՑ

Դու մինչ կայտառ ու ծաղկահասակ երիտա-
սարդ ես՝ հրճուանք և ուրախութիւն կը սիրես ,
երգ և հարսանեաց պար կը սիրես , ա՛հ , ես զքեզ
յողբ և 'ի լաց կը հրաւիրեմ Հայոց աշխարհին
վերայ : Կը ճանաչեմ ազնիւ ոգիդ , որ թէ՛ 'ի
խինդ և թէ՛ 'ի լաց միապէս զգայուն ես . այդ
եւս մի նշանակ կը համարեմ ես՝ թէ ոգիդ կեն-
դանի է , և դու Հայուն անզգայ զաւակ չես :
Հայոց աշխարհ կուլայ , ես և դու Բիւզանդիոնէն
ինչպէս 'ի մօտոյ կը լսենք նոցա կոծն ու կական ,
պէտք է լալակից ու վշտակից լինինք , զի նոյն
հայրենեաց պանդուխտ որդիքներն եմք :

Գիտես դու և կը յիշես թէ անցեալ տարւոյն
'ի վերջ՝ ես զՎան ՎԱՆԳՈՑԺՈՎ ողբացի , մինչ Թա-
գուցեալ կրակն միայն զՎան վառեց . այդ կրա-
կին հետ արիւն և այլ սոսկալի աղէտներ չկային ,
այլ միայն վանեցւոց կեանք և ստացուածք հուր
ճարակելով մոխիր դարձուց : Եւ ի՞նչ պէտք էր
սուր և արիւն . միթէ ժողովուրդն իւր չքաւո-
րութենէն ինքնին անարիւն և անսուր չի՞ չքա-
նար :

Յո՛ւշ բեր , Վասպուրական գաւառի շինական
ժողովրդոց յորդոր կը կարգայի , որ Վանայ կրա-

Դ

կին վերայ ջուր լեցնեն , և օգնեն դժբաղդ վանեցւոց . ես չէի գիտեր և չէի գուշակեր , որ վանայ կրակէն յետոյ պիտի ելնէր ուրիշ պատուհասիչ Մարական կրակ մը , որ քան զՌաբելճնի բոցն ծաւալելով՝ բոլոր վասպուրական աշխարհն՝ դժոխային հրով ծախէր , Հայոց գեղերն ու աւաններ քանդէր և աւերէր , Բագրեւանդայ գաւառի ժողովուրդը իսպառ կոտորէր , Հայոց աշխարհի վանքեր , եկեղեցիներ և ամեն նուիրական վայրեր պղծէր և ապականէր , Հայոց տնասէր կիներ , գեղադէմ հարսներ և կոյսեր գազանային վայրագութեամբ լլկէր , և շատն եւս յափշտակելով գերեվարէր , և այլ անլուր անօրինակ ոճիրներ գործէր և ահռելի աղէտներ բերէր Հայոց աշխարհին վերայ :

Վասն այդորիկ ես արդ մոռցայ զՎան և ըզ-վԱՆԳՈՅԺՆ . արդ կ'սկսիմ ՀԱՅԳՈՅԺՈՎԱ ողբալ մեր հայրենեաց համատարած աղէտներ , զորս վայրագ խուժերուն ձեռքէն կրեց Հայոց անտէր ժողովուրդը : Յաւ է ինձ որ բաւական չեղայ վասպուրական աշխարհին , բարձր Հայոց , Բասենոյ , Բագրեւանդայ գաւառին և Մշոյ աշխարհին արդի վերահաս չարեաց հազար բիւր աղէտներուն նկարագիրը բովանդակ հանել : Միթէ հնա՛ր է , որ միայն հոգւով տեսնեմ կամ գուժատու լրերով չափեմ մեր հայրենեաց նորաքանդ աւերակներ :

Այլ ինչպէս ըղձակաթ կը լինէր վահան Գողթնացին մինչ Բաբելոնի գերութեան շրթայն կաշկանդել էր զինքն , նա կը գոչէր և կը պաղատէր

առ Ամիրապետան . « ԱՐՁԱԿԵՑԷ՛Ք ՈՐ ՏԵՍԱՆԵՄ ՁՈՐ-
 ԶԱՓՈԽԹԻՒՆ ԱԻԵՐԱԾՈՅՆ ԵՐԿՐԻՆ ԻՄՈՑ ՀԱՅՐԵՆԵԱՅ » :
 Ո՛հ, ես էլ նոյն ըղձով կը փափագեիմ, որ միանգամ
 արձակվիմ այս պանդխտութեան շղթայէն, երթամ
 ոտքովս շրջիմ և աչքովս տեսնեմ մեր աւերած
 աշխարհ, և թէ լամ՝ թող արտասուքս այն կարմիր
 հողոյն վերայ կաթի, ուր կոտորուեցան Հայեր և
 ուր թափեցաւ անմեղ մանուկներուն և անբիծ
 կոյսերուն արիւնը : Եւ դու ինձ հետ գոյէ, որ
 տիրահար ես հայրենի ազատութեան . Ո՛վ ան-
 պարտ զոհերու հրաշագործ արիւն, արդեօք
 Հայոց մեռեալ ու մոխրացեալ հոգերուն նոր
 կենդանութիւն պիտի տաս :

Չվարանինք սակայն և ողբերով չյուսահատինք .
 Երկնից գթութեան և ողորմութեան հոսանքներ
 անսպառ են . այն որ երբեմն Բաբելոնի դաշտին
 մէջ ցրուած անյոյս ժողովուրդին ցամքած ոսկոր-
 ներուն վերայ ցօղեց և իսկոյն գերեզմանի դաշ-
 տալայրը կենդանութեամբ կանաչացաւ, օր մի
 եւս Երկինք այդ կենդանարար ցօղ Հայոց դաշ-
 տերուն վերայ կը ցօղէ . դու կը տեսնես թէ
 ինչպէս Հայոց աշխարհն եւս կը վերածնի . հրա-
 չիւք : Միայն թէ մեք աննկուն արիութեամբ
 գործենք և Աստուած մեր օգնականն է :

Իսկ դու, ազնիւ բարեկամ, իմ փոքրիկ եր-
 կոյս փոքրիկ Մեկենաս, դարձեալ ձեր անուան
 կը նուիրեմ ՀԱՅԳՈՅԺս որ Հայոց աշխարհի աշխա-
 րանքն է, ինչպէս արդէն նուիրեցի մի դուզնա-
 քեայ երկս, որոյ վերաառութիւնն էր ԺԱՄԱՆԱԿ
 եւ ԽՈՐՀՈՒՐԳ ԻԻՐ :

Դու այժմիկ փութա՛ և տա՛ր ՀԱՅԳՈՅԺս տո՛ւր մամուլին . Թող մամուլն եւս իւր ազատ թեւերով տանի տայ աշխարհին :

Ես գիտեմ, այն ազգ և աշխարհ որ Հայ չէ՝ մեզ հետ չի լար . այլ մեզ չէ պէտք օտարին լաց . բաւական է որ թէ՛ տարաշխարհիկ գաղթական Հայեր , և թէ՛ Բիւզանդիոնի պանդուխտ Հայեր յիշեն մեր հայրենեաց չարչարեալ որդիքներ և լան :

Ես գիտեմ և դու գիտես թէ սոսկ լալով ու ողորելով եթէ չազախենք մեր հայրենեաց հող՝ հայրենիք չլինուիր . Սորա համար թերեւս ոմանք որ չոր ու անզգայ սիրտ ունին , զիս մեղադրելով բամբասեն թէ Խրիմեանը մի լալկան մանուկ է դարձեր կամ թէ միշտ աւերակասէր բու :

Սակայն ես կը պատասխանեմ նոցա՝ որ այդպէս կը կարծեն . Թող այդ ծեր իմաստուն և հանճարեղ շինողներ անլաց և անկոծ շինեն մեր հայրենիք , և կամ նորա լոցող որդիքներուն արտասուքը ծիծաղով սրբեն : Ես յայնժամ կը թողում գութերս և ողբերս , կ'սկսիմ միայն ուրախութեան երգ նուագել :

Ամեն աշխարհ և ժամանակ իւր ծիծաղ և լացն ունի . ո՛վ է այն՝ որ իւր հարսանիք խընդումով և պարերգութեամբ չկատարեր . ո՛վ է այն՝ որ իւր մեռեալը առանց կոծոյ և լալոյ կը թաղէ :

Այժմիկ Հայոց աշխարհի կեանք և ժամանակ լաց է . Հայոց առնը՝ սգոյ առն է և իւր հանգէսը մեռելոց հանգէս է : Պէտք է ուրեմն լանք

է
փշտակցինք քանի որ մեր հայրենեաց որդիքներ
կուլան . և նոքա որ կուլան՝ մեր հայրեր , մեր
մայրեր , մեր եղբայրներ , մեր քոյրեր , մեր սի-
րելիներ և մեր բարեկամներն են .

Երանի՛ թէ ազատ շնչով , ազատ ձայնով և
ազատ գրչով լայինք . ո՛հ , մանուկ քան զմեզ
ազատ է և ազատաբար կուլայ . մեք հեղձամբղ-
ձուկ լինելով կուլանք . և գու գիտես որ մեր
աշխարհին մէջ լացն եւս ազատութիւն չունի :

Լանք ապա և բարձրաձայն աղաղակենք . թէ
մեր լալոյ ձայնին աշխարհ խուլ լինի ու չլսէ ,
հաւատանք թէ Երկինք անշուշտ կը լսէ . և Աստ-
ուած իւր բարերար ձեռքով կը սրբէ Հայոց աշ-
խարհի լացն . արագ կը բերէ մեր փրկութեան
և ազատութեան օր . և այն օրն է ահա , որ կը
խայտան և կը ցնծան մեր հայրենեաց որդիքներ .
յայնժամ մեք եւս Մովսիսի քրոջ Մարիամու
թմբուկն մեր ձեռքն առնելով՝ հետ նոցա կ'եր-
գեմք և կը պարեմք . « Օրհնեսցուք զՏէր , զի
փառօք է փառաւորեալ : »

ԽՐԻՄԵԱՆ ՀԱՅՐԻԿ

Յե՛ս , Յէ՛ր , զի նեղեալ եմ . ոսկերք իմ խռովեցան ,
սիրտ իմ գեղաւ յիս և ես գտայ դառնացեալ . արտա-
քուստ անժառանգ եաց զիս սուր , որպէս և մահ՝ ՚ի ներ-
քուստ :

Լուարո՛ւք , լուարո՛ւք զայս՝ զի ես հեծեմ , հառա-
չեմ և ոչ ոք է որ մխիթարէ զիս , . . . ո՛վ Յէ՛ր , դու
արարեր զօրն զայն և դու կոչեցեր զժամանակն զայն ,
և եղեւ ինձ վա՛յ վա՛յ :

Ձե՛զ ասեմ , ձե՛զ ասեմ , ո՛վ անցաւորք ճանապար-
հաց . դարձայք՝ հայեցարուք և տեսէք թէ իցե՞ն երբէք
ցաւք ըստ ցաւոց լեալ՝ որք ՚ի վերայ իմ հասին . . . :

Ուր Երեմիայի Ա. ԳԼ .

ՀԱՅԳՈՅԺ

ԱՇԽԱՐԱՆՔ

ՀԱՅՈՑ ԱՇԽԱՐՀԻՆ

ՈՂԲԱՄ զքեզ, Հայոց աշխարհ, զի քո կեանք ողբերգութիւն է. ամեն դար և ժամանակ երբ աղէտներ զքեզ պատեցին, դու միշտ աղէտներուդ հետ մի ողբերգու ծնար. քո առաջին ողբերգուն Մովսէս Խորենացին է, որ հազար երկերիւր ամ յառաջ ուժգին ողբաց զքեզ, մինչ վերացաւ գլխիդ Արշակունի թագ, մինչ ջախջախեցաւ իշխանութեանդ գաւազան, նսեմացաւ քո փառք, կորեաւ ազատութիւնդ, և դու տիրական բարձրութենէդ խոնարհելով իջեր ծառայական 'ի ստրկութիւն. դու որ քան զհիւսիսականս վեհագոյն կը դնէիր քո գահը:

Յայն օրէն անկար դու ուժգնապէս երբ խօլամիտ նախարարք զԱրշակունի թագն դաւեցին, երբ Վեստ Սարգիս և մատնիչ Երակոս Անուոյ ազատ բանալին նենգութեամբ Յունական կայսրութեան յանձնեցին. այնուհետեւ թէեւ պահ մի գիշերալոյս աստղի նման.

հին թագդ Հայկականց գերեզմանէն ծագեցաւ , յանկարծ աղօտապէս փայլեցաւ Տաւրոսեան լեռանց գլուխ , ո՛հ , այդ քո իրիկուն վերջալոյսն էր , որ Լուսինեան Լեւոնին հետ արեւուն պէս 'ի մայր մտաւ . յայն օրէն Հայոց աստղ ծածկեցաւ օտար գերեզմանին մէջ և այլ եւս չծագեցաւ :

Յայն օրէն վերջի թագին հետ մեռաւ քո ամեն յոյս և հայրենի ազատութիւն . յայն օրէն մինչեւ ցայսօր վեց դարեր անցան , դեռ ո՛չ լրացաւ քո ստրկութեան և տառապանաց ժամանակ , այլ տառապանք 'ի վերայ տառապանաց միշտ հասին 'ի վերայ քո . շտուին քեզ մի հանգիստ ժամանակ , որ պահ մի շունչ առնէիր և հանգչէիր մաշած ու թալկացած կեանքիդ մէջ :

Թողումք Յոյն , Պարսիկ և Արաբացին . Լէնկթիմուր , Շահապաս և այլ հիւսիսային բարբարոս ազգեր քանիցս անգամ արշաւեցին , քանդեցին , հողաբլուր դարձուցին ամուր ամուր քաղաքներդ , խրամատեցին բոլոր այգեցանկերդ , գքեզ ճաքաղ արարին , կայտառ որդիքներդ մինչեւ 'ի խուժաստան և Շահաստան գերի վարեցին :

Օրհնեա՛լ ես դու , Հայո՛ց աշխարհ . որչափ քանդող թշնամոյն ձեռք կը ջանար գքեզ իսպառ ճաքաղ առնել և որթերդ յարմատէն յօտել , դու անդրէն նոր նոր ուռեր տալով կը բողբոջէիր : Հաւատա՛ դու , Հայո՛ց աշխարհ , թէ Աստուծոյ օրհնութիւնն էր որ միշտ անապական պահեց քո ճիւղերդ . զի դու Քրիստոսի ճշմարիտ որթին վերայ հաստատուած ես :

Բայց դարձեալ ողբամ գքեզ , անտերո՛ւնջ ժողովուրդ Հայոց . զի քո մնացորդ ճիւղեր անխնայ ճմլեց ժանտ և ժպիրհ Քիւրտ . սորա համար քո կեանք՝ թէ՛ առաջին և թէ՛ վերջին , միշտ ողբերգութեամբ լի է . Մովսէս չէ միայն որ գքեզ կ'ողբայ . Եղիշէն , Ղազարիկ , Լաստիվերացին , Մեծոփեցին , Առաքել պատմադիր , այս ամեն

իրենց ժամանակին մէջ զքեզ ողբացին : Ո՛հ, ես էլ քո
ողբերգուն եմ. երանի՛ թէ յետինն լինէի, և այլ եւս
չծնէր քեզ ողբերգու. այլ եւս անպահապան այգիդ
ճռաքաղ չլինէր. երթայր և այլ եւս շղառնայր անդրէն
քո տառապանաց տարին և ժամանակ :

Բայց դարձաւ և բարկութեամբ դարձաւ, երբ Արեւ-
մտեան քաղաքակրթութիւն Արեւելքը կ'ողջունէր, երբ
Թուրքաստան Սահմանադրութիւն կը հրատարակէր, երբ
պանծացող տասնեւիններորդ դարը՝ դիտութիւն, լոյս,
ազատութիւն և ազգաց իրաւունքներ կը քարոզէր, և
երբ դու ինքնավար՝ Սահմանադրութիւն ունէիր, կը
հրճուէիր յուսով նորաքաջլ յառաջդիմութեանդ մէջ :

Իբրեւ սրաթեւ արծուի, իբրեւ ճախրաթեւ բազէ
յանկարծ հասաւ ու դարձաւ քո վերայ տառապանացդ
օր. սեւ օր, սեւ գիշեր էր այն. և իբրեւ ծննդական
մօր՝ ցաւոց երկունք զքեզ ըմբռնեց. դու արդ կը հեծես
և ճիչ կը բառնաս. յոյսդ՝ երկուանաց մէջ է. կամ կը
ժնիս ողբամբ 'ի նոր յազատութիւն, և կամ կը մեռնիս
այդ մահացու վէրքերովդ. անէ՛ծք այն ձեռաց, որ քո
հանգստարանի գերեզման կը կնքէ թէ այլ եւս ո՛չ դոյ
Հայն ու Հայաստան :

Ի՞նչ անբախտ և թշուառ ես դու, մա՛յր, թէ մեռ-
նիս այժմիկ. երբ ուրիշ մայրեր և ազգեր 'ի նոր կեանս
կը վերածնին. քո կեանք՝ քառասուն դար է. Յունա-
կան կրակէն, Պարսկական կրակէն, Արաբացւոց կրա-
կէն, Թաթարներու կրակէն ողջ անցար, անհուն անհա-
մար զոհեր տուիր, օրպէս զի մնացորդ որդիքներովդ
ապրիս. և արդ ապիկար և վատազգի՝ Քիւրտին կրակով
ալիտի այրիս և սպառի՞ս :

Մինչ հիւսիս հարաւին դէմ 'ի մարտ կ'որոտար,
Հայոց լեռներու հին աւազակներն 'ի դէն կը կոչուէին.
այդ բանը՝ նոցա համար մի բախտ և պատեհ ժամ էր :

Նորքա որ սովորած էին առանց քրտանց վաստակի՝ գիւղական ժողովուրդին ճակատի քրտանց հացն ուտել , միշտ աւարով ու յափշտակութեամբ ապրիլ , իրաւունք համարեցին իրենց համար ամեն բռնութիւն , ամեն եղեռն և ոճիր 'ի գործ դնել քրիստոնեայ ժողովուրդին վերայ . և այնչափ անվախ ու անկասկած կը գործէին չարիքներ , որպէս թէ երկիրն անիշխան էր , ոչ իրաւունք կար , ոչ դատաւոր , ոչ դատաստան :

Մարախի ու թրթուրի նման թափեցան , Հայոց գիւղեր և դաշտեր ծածկեցին , մի խուն ժամանակի մէջ ամեն կանանչութիւն կերան ու չորցուցին , այն չէն չէն գեղեր և աւաններ անապատ դարձուցին : Միթէ չգիտե՞նք 'ի սկզբանէ անտի որ այդ աղղին ձեռք միշտ քանդող է , երբէք չինել չգիտէ . ես էլ չգիտեմ թէ ինչո՞ւ համար է որ երկրին իշխանութիւն այդ աշխարհաքանդ ձեռք կարճել չուզեր :

Եւ ո՞չէ էին Քիւրտերու անկարգ հրոսակներուն վարիչ և առաջնորդ . — նոցա մոլեկրօն դենպետներն էին , որոց ոգիներ 'ի բնէ անտի ռսութեամբ լցուած կը զայրանային Հայոց ժողովուրդին դէմ . մանաւանդ երբ կը լսէին և կը հաւատային իսկ թէ այս պատերազմ յանուն Քրիստոնէից ազատութեան կը մղէ հիւսիսային Պետութիւն :

Ես գիտեմ ու կը ճանաչեմ զՔիւրտն . գիտեմ թէ նա ինքնին ոչինչ գործ և զօրութիւն չունի . այդ անդէպ պատճառանքներ 'ի բաց թողունք : Այո՛ , դենպետներու կրօնամոլութեան հուրը կը վառէր զիրենք . այլ ի՞նչ հուր էր այն , որ 'ի ներքուստ զդենպետներ կը վառէր :

Ո՛հ , մի՛ կրկտեր այդ հուրը , գրի՛չ իմ , գրի՛չ իմ . կը բորբոքի և զքեզ կ'այրէ . թող այրէ , թող այրէ , և անիւնս երթայ խառնուի Հայոց այրած ժողովուրդի անիւնին հետ :

Յերութիւն զՔիւրտն 'ի գէն կը կոչէ . և ո՛վ իրաւունք ունի մեղադրել զինքն . զի Քիւրտն իւր դաւանակից ժողովուրդն է՝ առանց գրի և Գուրանի, և քան զՀայն ըլլաւ անգամ յարգի :

Այլ միթէ զինուոր անթոշակ կը զինուորի՞ . Քիւրտին հացն ու թոշակ ի՞նչ էր զինուորող ձեռքէն . — ոչինչ . այլ միայն այս բան « Գնացէ՛ք և ձեր թոշակն ու հաց ձեր ձեռքով հոգացէք » : Եւ ուստի՞ . — Հայոց գեղերէն ու ժողովուրդէն :

Այս անարդար դատաստանին մէջ Քիւրտ կ'արդարանայ Աւետարանին և Գուրանին առաջ . և ես նմա իրաւունք կու տայի, եթէ Քիւրտն միայն իւր պէտքեր հոգար, հիւրաբար վարուէր, գիւղացւոց հացն ուտէր . թէ հեծեալ էր, ձիոյ դարման խնդրէր, ելնէր և ուղղակի 'ի բանակ երթար :

Քիւրտն այսպէս չվարուեցաւ . և այնպիսի սոսկալի խժռոթութիւններ գործեց նա, որ աշխարհի պատմութեան մէջ ոչ գրիչ գրեց, ոչ բերան խօսեց և ոչ մարդոյ ականջ լսեց :

Կ'ասեն թէ Ղէնկթիմուր Հայոց աշխարհ արիւնով լուաց . լաւագոյն էր թէ Քիւրտն եւս արիւնով լուանայր : Կ'ասեն թէ բռնաւոր Ալիասլան մի ահօրինակ վրէժ-խնդրութիւն մտաբերելով՝ Անւոյ մէջ արեան աւազան մի կազմեց, Հայոց ջերմարիւն երիտասարդներ ոչխարի նման մորթելով լցոյց գայն, ու մտաւ նորա մէջ ինչպէս 'ի լոգարան, և այսպէս շիջոյց իւր սրտին զայրոյթը : Երանի՜ թէ Քիւրտն եւս իբրեւ արիւնխանձ ինձ՝ արիւնով միայն շատանայր : Կ'ասեն թէ խորամանկ Շահապասն մինչ 'ի գերութիւն կը վարէր Այրարատայ աշխարհի որդիքներ, տասներկու հազար հոգի Երասխին մէջ թափեց : Հազար անգամ երանի թէ Քիւրտն եւս այդպէս գործէր . Հայոց կիներ և կոյսեր նոյն Երասխայ

ծոցին մէջ թափուէին , ալիքներ առնէր տանէր ու
ծածկէր նոցա առականքը :

Դասե՛րք Հայոց , բիւր երանի՛ կու տայի ձեզ թէ նոր
Շահապաս մի գար զձեզ 'ի գերութիւն վարէր , և դուք
երթայիք միահամուռ և կամակար թափուէ՛ք Երասխայ
գետին մէջ , գետն զձեզ գլորէր տանէր 'ի Կասպիա-
կան ծով , ծովն ձեզ գերեզման լինէր , իւր խոր ան-
դունդին մէջ ծածկէր ձեր մերկութիւն , քան թէ կու-
սական արեան մէջ թաթախելով նշաւակէր զձեզ վատ-
շուէր Քիւրաին վայրագութիւն :

Հայոց լերանց մտերի՛մ էրէվայրիք , և դուք իսկ վայ-
րենի՛ գազաններ , բացէ՛ք ձեր որջեր , ցո՛յց տուէք ձեր
մութ խորշեր , հիւրասիրեցէ՛ք Հայոց փախուցեալ կիներ
և կոյսեր , որ մարդակերպ գազաններէն փախչելով
ձեր զթութեան կ'ապաստանին :

Ո՛վ հալածեալ գայլեր , դուք արդար էք , դուք ի-
րաւունք ունիք , երբ սովալլուկ քաղցէն ստիպեալ հա-
զիւ ահ ու դողով կը համարձակիք հովուի հօտէն գազ-
տագողի մի ոչխար յափշտակել . ելէ՛ք այժմիկ և լեռ-
ներէն դիտեցէ՛ք՝ թէ ի՞նչ կը գործեն ձեր դրացի մար-
դագէշներ . թո՛ղ գեղացւոց ոչխարներ՝ նոցա սիրելի
ընտանիք և զաւակներն եւս յափշտակեցին , և սրածա-
նիքներով պատառեցին ու կերան Հայոց գեղանի
կոյսեր :

Ո՛վ ես դու , ողորմելի՛ կին , որ մերթ խուճապելով
կը փախչիս և մերթ ծունկերդ կ'թռտելով կը տապալիս
'ի գետին . Հէրովդէսի դահիճներ զքեզ կը վարեն .
ո՛հ , երկունքդ առ երկիւղի հասեր զքեզ 'ըմբռներ է .
սորա համար անցար մտար մեկուսի ցորենաբոյս արտին
մէջ , դու ինքնին անդայեակ ծնար , դաշտի կակուղ խո-
տերէն խանձարուր շինեցիր , փաթութեցիր մանկիկդ .

չգիտեմ թէ բերկրեցա՞ր, երբ անցաւ երկունքդ և ող-
ջամբ ծնար :

Իրիկուն էր, քո տխուր ու սեւ սրտին հետ մութ գի-
շերն եւս եկաւ զքեզ պատեց . այլ եւս ապահով ե-
ղար թէ քո վարիչ որսորդներ անցան . առիւր նորածին
մանուկդ՝ գնացիր մտաւկայ գիւղ . մանկիկդ կուլար կաթ-
կ'ուղէր, և դու՝ հա՛ց հա՛ց կը խնդրէիր . զի քաղցէն
նուազելով կաթդ ցամքեր էր : Չգիտեմ, դժբա՛ղդ կին ,
թէ այնուհետեւ ազատեցա՞ր բաղէներուն ճանկերէն :

Անշուշտ կ'ողբաս, կի՛ն դու , թէ թշուառ եմ . որդի
ծնայ , այլ ամուսինս կորուսի . բայց դու զքեզ բախ-
տաւոր համարէ , կի՛ն , որ վերադառ անձկութեանդ մէջ
կարացիր ողջամբ ծնել և մանուկդ ազատել : Քան զքեզ
անբախտ եղան այն մայրեր , որ մայրենի գրկերէն մա-
նուկներ ձգեցին ու փախան . որպէս զի գէթ ազատեն
իրենց անձն չարաշուք Քրդաց լլկանքէն :

Ողբա՛մ զքեզ, մանո՛ւկ մայրակորոյս . կ'ասեն թէ քո
մայր մինչ 'ի փախուստ կը խուճապէր, մոռցաւ մայրական
սրտի գորով, ձգեց թողուց զքեզ մի վարած արտի
ախօսին մէջ . թերեւս հաւատաց Քրիստոսի խօսքին և
ասաց թէ մանկիկս իբրեւ ցորենահատիկ մի ցանեմ
հայրենի հողին մէջ, թող մեռնի , որ բեղմնաւորի
հատիկս բազմապատիկ առողջ ցորենով : Եւ ի՞նչ է այդ .
— Հայոց աշխարհի ազատութիւն :

Ձո՞րն ես պատմեմ մայրերէն ձգուած գիւնցիկ մա-
նուկներ . անսող դտաւ ու պատմեց թէ մի մանկիկ եւս
Եփրատայ ափանց եղէգներու մէջ ձգուած էր, ինչպէս
Մովսէս՝ Նեղոս գետին խաղեր : Մեր խեղճ մանուկ
պրառուկայ անտուկին մէջ չէր կպրաձիւթով պատած ,
այլ այնպէս բացօթեայ ձգուած . խե՛ղճ անմայր տղեկ
կական բառնալով կուլար : Լսեց մի գիւղական աղջիկ ,
որ նա եւս կը թագուցանէր զինքն գետեզրի մացառ-

ներու մէջ. սիրտ արաց, ձայնի հետ գնաց գտաւ ընկեցիկ մանուկն. գիւղացի քաջ աղջիկ, որ դեռ մայր չէր եղեր, մայրենի գորովով խաղապատեցաւ տղեկին վերայ. ինչպէս փարաւօնի դուստր՝ առաւ տարաւ մերձակայ գիւղ մի, ասաց թէ Նիւրատին եղերք շամբերուն մէջ գտայ :

Չգիտեմ թէ ողջ մնացի՞ր դու, անհայր անմայր որբացեալ մանուկ. ո՞ր օտար մայր քեզ կաթ պիտի տայ ու սնուցանէ, մինչ քո բուն ծնող մայրդ՝ առ նեղութեան ու վշտին, զքեզ անմայր թողուց : Ո՞ տառապանաց և դառնութեան օր, որ կաթոգին մայրերուն բռնական գորովն ու գութ մոռնալ կու տաս և սրտէն՝ ի բաց կը հանես որդեկին սէր, որ մօր աղիքն և սրտին հատորիկն է :

Ողբա՛մ զձեզ, Հայո՛ց մայրեր, որ կորուսիք ձեր լծակից ամուսիններ և սիրական զաւակներ. թէ մեռաք՝ երանի՛ ձեզ. թէ ողջ մնացեր էք՝ եղո՛ւկ ձեզ : Ա՛հ, ի՞նչ կը լինէր, որ դուք եւս այն Մշեցի գիւցազն կնոջ պէս զօրանայիք, ձեր վշտակրութեան և հալածանաց մէջ կամակար մեռնէիք կրօնի սրբութեան համար, ձեր զաւակաց սիրոյն համար, ձեր համեստ պատկառանաց համար. միթէ այժմ կապրի՞ք դուք, և լաւագոյն չէ՞ր ձեզ մեռնիլ քան այդ չարավիշտ կեանք :

Ի՞նչ անդատաստան կը խօսիս դու, հէք ողբերգու. իբրեւ զառանցող բանդագուշ կը լինիս, կարծելով թէ աշխարհիս վերայ կիններ սուր և բազուկ ունին. մինչ քաջաբազուկ հուժկու այրեր կը վատանան իրենց ընտանեկան պատիւ մահու չափ պաշտպանելու, դու գիտես թէ քանի՞ դժուարին է որ տկար ու տանտիկին կիներ գիւցազնանան :

Այո՛, այդ գիտեմ. բայց միթէ չառաքինացան Հայոց աշխարհի կանայք ու տիկնայք. մինչ օրոք այրերը չըղ-

Թայակապ վարեցին 'ի Խուժաստան . նոքա անայր և ան-
տերունջ մնացին , կանացի տկարութեան անտար վիչ-
տերուն դէմ մրցեցին , Պարսկական կրակին դէմ ան-
վառ մնացին , կրօն , հաւատ և սուրբ կեանք անարատ
պահեցին . որոց շնախօսորհիկ առաքինութեան հանդէսը
ճառագրելով կը հոչակէ սուրբ Եղիշէ վարդապետ :

Մո'վսէս , Մո'վսէս , Բաղրեւանդայ վիճակին ծերունի'
հովիւ , դու զէսյոց աշխարհ և քո ժամանակ ողբացիր
և 'ի հող մտար հանգչեցար . այլ եւս չդիտես թէ քո
անթագ անգաւազան ստրկացեալ հայրենեացդ ողբեր
դադրեցա՞ն :

Ո՛չ , ո՛չ . տասն դար անցաւ , տակաւին ողբերդ
դառնապէս կը նորոգուին . դու այժմ դլուխդ դերեղ-
մանէդ 'ի վե'ր առ , տե'ս քո սիրելի հօտին վերահաս
աղէտները . քահասար դայլերուն վո՛մակ յարձակեցան ,
գառներդ կոտորեցին , որոց յորդահոս արիւն՝ չիրմդ
կ'ողողեն և կ'իջնան մինչեւ 'ի խոր տապանիդ հեծող
ոսկորներդ :

Դու ինչպէս տեսնալով կ'ողբաղրէիր , արդ եւս
արհաւիրք անհնարինք սլտուցին Հայոց աշխարհ . մարտ
թէ 'ի ներքուստ և թէ արտաքուստ դմեզ պաշարեց ,
հայրենիքը թալուրացաւ , մնացորդ որդիքներուդ
կէսն թողլով ընակասնունդ երկիր՝ գողթսն գնաց ,
կէսն եւս անխնայ կոտորուեցան սուրբ կրօնին համար
և Հայոց հաւատին համար :

Եփրա՛տ , Եփրա՛տ , մկրտարա՛ն սուրբ Գրիգորի հո-
գեծին որդւոց , ափունքներուդ վերայ ինկած դիակները
արեան հեղեղներ թաւալզլոր բերելով քո ծոց կը
Թափեն , եւ դու տո՛ւր ալիքներուդ՝ թող գլորէ տանի
մինչեւ Ովկիանու ափունք . Հայոց աշխարհի անուռունչ
բողոքն է՝ այդ : Ի՞նչ արդեօք և կը տեսնա՞յ աշխար-

հի արեան հանդիսատես խաղաղասէր Լօնտօն . թէ այդ է շահ մեծին Անգղիոյ , որ քան զինքն յառաջ Աւետարանին հաւատացող որդիքներ տարասպօրտ մեռնին :

Բազրեւանդայ փոքրիկ հօտին փոքրիկ հովիւներ , ո՛վ քահանայք , թէ ողջ մնացեր էք՝ առէ՛ք ժամհարներ հետ ձեզ , գնացէ՛ք շրջեցէ՛ք քաղաքի փողոցներ , տներ և տան մութ խորշեր որոնեցէ՛ք . շրջեցէ՛ք նաեւ գեղերու և դաշտերու մէջ , ժողվեցէ՛ք ուր և գտնէք Հայոց անթաղ մեռելներ . զի մեռելներու տէրեր թողին ու փախան . ծնողք փախան՝ զաւակներ թողուցին , զաւակներ փախան՝ ծնողք թողուցին . նոյնպէս անբաժան սիրելի ամուսիններ սէրը մոռցան , զիրեար թողուցին ու փախան :

Մի մի կամ ուրոյն ուրոյն գերեզման մի՛ փորէք այդ անտէր մեռելներուն , այլ բոլոր միահամուռ խոր վիհերու մէջ թաղեցէք . միայն խաչքարէ նշան մի կանգնեցէ՛ք հողակարկառին վերայ . ես աստ կ'արձանագրեմ նոցա սուրբ և անմահ յիշատակը :

ԱՍՏ ԿԱՏԱՐԵՑԱՆ ՔՐԻՍՏՈՆԷՈՒԹԵԱՆ ԵՒ ՀԱՅ ԱՆՈՒԱՆ ՀԱՄԱՐ ՔԻՒՐՏԵՐՈՒ ԱՆՈՂՈՐՄ ՍՐԷՆ , ՕՍՄԱՆԵԱՆ ՏԷՐՈՒԹԵԱՆ ՀԻՆԳ ՀԱՐԻՒՐ ՏԱՐՈՒԱՆ ՀԱԻԱՏԱԻՄ ՀԱՅԵՐ :

Փողոցէն ելէ՛ք , քահանայք , մտէ՛ք այդ մերձակայ տան մի սենեկին մէջ , ուր երկու նոր ամուսնացելոց հարսնարան և առագաստն է . տեսէ՛ք , գուցէ կը ճանաչէք . թերեւս դո՛ւք սլակ դրիք ու կապիցիք այդ դժբաղդ գլուխները . տեսէ՛ք զոյգ համանման նորահաս կտրիճ ամուսիններ , երկու լծակից սիրելիները , զորս վայրագ ֆիւրտեր միմեանց վերայ դնելով ընդ գետին գամեր են , որ գիտես թէ ուխտեր էին նոյն իսկ մահուան մէջ իրարմէ չբաժնուիլ :

Հանէ՛ք այդ արիւնոտ ցիցը , հանէ՛ք ու տարէ՛ք պահեցէ՛ք . եթէ դատ և դատաստան լինի աշխարհիս մէջ , եթէ Հայուն զրկանքն եւս յիշեն երկրիս դատաւորներ և արդարութեամբ փոխարէն յատուցանեն , յայնժամ դուք զայդ դատական ատենին մէջ բերէ՛ք , թող բողոքէ՛ , վկայ լինի Հայոց անպարտ արեան :

Առէ՛ք նաեւ իջուցէ՛ք 'ի վայր ընդ ձող և ընդ ցից հանեալ Հայոց սօսանման երիտասարդներն . արեւ տեսաւ , լուսին տեսաւ , աստղեր տեսան , աշխարհ տեսաւ և Աստուած տեսաւ . այլ վկայ կը խնդրէ՛ք , ո՛վ աշխարհի ատենակալ դատաւորներ :

Համառօտեցէ՛ք , համառօտեցէ՛ք աշխարհի խաղաղութեան դաշնագիր . համառօտեցէ՛ք ձեր երկար և պատիսպատ դատաստանին վճռագիր , տեսցուք թէ Հայոց այնչափ զրկանաց , այնչափ ղոհերուն և թափած արեան գինը դուք ի՞նչ կը վճռէք :

Փա՛մհար , թո՛ղ այդ ցցահան դիակներ , մտի՛ր 'ի տանտուն թոնիրին սալխուին 'ի վե՛ր առ . տե՛ս , մարած մոխրին վերայ խանձողած կոճղ մի կայ , հա՛ն 'ի դուրս . մի՛ կարծեր թէ այրած հացի կուտ է այդ , այլ հացթուխ և հացարար տանտիկինն է , որ մինչ բարկ թոնիրին շուրջ նստած անօթի Քիւրտին համար հաց կ'եփէր , ապիրատներ կերան նորա հաց , զարկին ձգեցին վառած թոնիրին մէջ ու գնացին :

Թէ գիր գիտես , ժա՛մհար , համրէ ու գրէ թէ քանի՞ քանի Հայոց տանտիկներ այդպէս հրայրեաց չարամահ մեռան : Թոնիրներէն ելած բոլոր Հայոց կիներուն խանձողուած նշխարները , ժա՛մհար , լի՛ց կողովը , շալակդ առ , գնա՛ մինչեւ յԵւրովպ , շո՛ւրջ ած պալատականաց դռները . տեսցուք թէ աշխարհիս այդ ողորմած թագուհիներ Հայոց այրած տանտիկներուն համար ի՞նչ դատաստան պիտի տեսնեն :

Ո՛վ ժրագօտի ժամհարներ , թողէ՛ք այդ թոնիրի
այրածներ . փութացէ՛ք կողովներ առէ՛ք ձեր յուս՝ ելէ՛ք
հնձանի դաշտ . Հայոց այգեկութն է . ժողովեցէ՛ք այդ
կոխոտուած մանրիկ ճիւղեր , Հայոց մանուկներու նշխար-
ներ , զորս լէնկթիմուրի ժանտածին զաւակը սմբակա-
կոխ կոտորեց , ու քամեց Հայկայ զաւակներու արիւնը՝
որպէս քամեն խաղողն 'ի հնձանին : Խնամով ժողովեցէ՛ք
այդ փոքրիկ մարտիրոսներու սուրբ և ամբիժ նշխար-
ներ , տարէ՛ք թաղեցէ՛ք իրենց հարց ու մարց հետ . եթէ
անողոք սուր զիրենք ծնողական գրկերէն բաժնեց , թող
գերեզմանին մէջ ոսկերոտօք գրկախառնին :

Միթէ սերմանահան մշա՛կ էք դուք , որ գոգնոցը
կապելով այդ մատաղ ու պարարտ սերմեր կը ցանէ՛ք
Եփրատայ արգաւանդ դաշտերուն մէջ :

Ցանեցէ՛ք , ցանեցէ՛ք այժմիկ . և յուսով ցանեցէ՛ք .
թող այդ անմահ հատիկներ մեռնին հողին մէջ . կ'անցնի
ձմեռն , կ'անցնին խստաշունչ սառնամանիք , կու գայ
կենդանարար գարուն , գերեզմանի արտերդ կը կանա-
չին , և գուք կը հաւատաք յայնժամ Յիսուսի խօսքին , թէ
« Ամէն ամէն ասեմ ձեզ , եթէ ոչ հատն ցորենոյ ան-
կեալ յերկիր մեռանիցի՝ ինքն միայն կայ . ապա թէ մե-
ռանիցի՝ բազում արդիւնս առնէ : »

Հնձանի դաշտին մօտ՝ այդ վարած արտերու մէջէն
դառն մռնչիւնի ձայներ կու գան , կը լսէ՛ք , ժամհար-
ներ . այդ մռնչիւն՝ մորթազերծ անասնոց մռնչիւնն է ,
որ հերկագործ ակօսներու մէջ ինկած կը տանջուին .
վերէն արեւ կը կիզահարէ , ներքուստ գիշակեր անգղեր
և ագռաւներ կտցահարելով՝ թել թել միսեր ոսկորնե-
րէն կը քաշեն : Դանակ մի առէ՛ք՝ կտրեցէ՛ք նոցա վի-
ղեր , որ երթան հանգչին :

Ո՛վ սոսկալի անգթութիւն . անագորոյն Քրդեր
հապճեպով հասան , մաճկալներ , հօտաղներ սրակոտոր

սպանին , և թրերով կտրատեցին եղնամուկներուն և գոմէշներուն հաստապինդ ջիւերը . խեղճ անասուններ տապալկեցան ակօսներու մէջ , և առանց պարանոցներ կտրելու՝ սկսան շերտ շերտ քամակներէն կաշիներ հանել . այդ անվարտի միաշապիկ բոկոտն վայրենիք տրեխներ շինեցին իրենց համար . որ կ'երթային երկաթէ կօշիկներուն հետ կռուիլ :

Արդա՛ր Աստուած , եթէ դու աշխարհիս վերայ յանցապարտներ՝ և մերթ եւս անմեղներ տանջելով կը լնուս ու կը կատարես արդարութեանդ չափն ու հատուցումն , միթէ անասունքն եւս յանցապարտ են քո առաջ . այդ անողորմ ամբարշտաց աղիքներ չե՞ս կտրատեր նոցա փորին մէջ . դու որ Նինուէի անասնոց խնայեցիր , այս անխօսուն հեծող անասնոց դատաստանը չե՞ս տեսներ :

Արեւն 'ի մայր մտաւ , այլ ձեզ համար հանգիստ ու դադար չկայ , կտրի՛ճ ժամհարներ . Տոբիթի նման առաքինացէ՛ք , գիշերաժամուն ելէք՝ լուսնի լուսով ժողովեցէք Հայ մարտիրոսաց նշխարներ . մայրերու գրկէն ու կուրծքէն մի՛ բաժնէք յօշոտուած մանուկներ . մի՛ դպիք , մի՛ կրկնէք այդ արիւնշաղախ դիակներ , պատան պէտք չէ՛ , կանաչ խոտերու մէջ փաթթեցէք Հայոց կանաչարեւ և ժուռումուռ մեռելներ . թէ պատառ մի կտաւ կը գտնէք , կենդանւոյն մեռած Հայոց հոլանի կիներուն և կոյսերուն տուէք , որ պատատեն իրենց առականքը . բաւ է՝ թէ այդ անտէր մեռելներ , Քրիստոսի անուան զոհեր՝ իրենց արիւնոտ շապիկներով և պատառատուն ցնցոտիներով թաղէք : Թող նոցա ոգիներ երթան Երկնից մէջ պայծառազգեստ լինին :

Այլ գիտե՛մ ես , գիտե՛մ , ո՛վ Հայոց անթաղ դիակներ , ձեզ համար ոչ քահանայ կայ , ոչ ժամահար , ոչ յուզարկաւոր , ոչ սիրելի , ոչ բարեկամ . սարսուռ և

Ո՛վ ժրագօտի ժամհարներ , թողէ՛ք այդ թոնիրի
այրածներ . փութացէ՛ք կողովներ առէ՛ք ձեր յուս՝ ելէ՛ք
հնձանի դաշտ . Հայոց այգեկութն է . ժողովեցէ՛ք այդ
կոխոտուած մանրիկ ճիւղեր , Հայոց մանուկներու նշխար-
ներ , զորս լէնկթիմուրի ժանտածին զաւակը սմբակա-
կոխ կոտորեց , ու քամեց Հայկայ զաւակներու արիւնը՝
որպէս քամեն խաղողն ՚ի հնձանին : Խնամով ժողովեցէ՛ք
այդ փոքրիկ մարտիրոսներու սուրբ և ամբիժ նշխար-
ներ , տարէ՛ք թաղեցէ՛ք իրենց հարց ու մարց հետ . եթէ
անողոք սուր զիրենք ծնողական գրկերէն բաժնեց , թող
գերեզմանին մէջ ոսկերոտօք գրկախառնին :

Միթէ սերմանահան մշակ էք դուք , որ գոգնոցը
կապելով այդ մատաղ ու պարարտ սերմեր կը ցանէք
Եփրատայ արգաւանդ դաշտերուն մէջ :

Ցանեցէ՛ք , ցանեցէ՛ք այժմիկ և յուսով ցանեցէ՛ք .
թող այդ անմահ հատիկներ մեռնին հողին մէջ . կ'անցնի
ձմեռն , կ'անցնին խստաշունչ սառնամանիք , կու գայ
կենդանարար գարուն , գերեզմանի արտերդ կը կանա-
չին , և դուք կը հաւատաք յայնժամ Յիսուսի խօսքին , թէ
« Ամէն ամէն ասեմ ձեզ , եթէ ոչ հատն ցորենոյ ան-
կեալ յերկիր մեռանիցի՝ ինքն միայն կայ . ապա թէ մե-
ռանիցի՝ բազում արդիւնս առնէ : »

Հնձանի դաշտին մօտ՝ այդ վարած արտերու մէջէն
դառն մռնչիւնի ձայներ կու գան , կը լսէ՛ք , ժամհար-
ներ . այդ մռնչիւն՝ մորթազերծ անասնոց մռնչիւնն է ,
որ հերկագործ ակօսներու մէջ ինկած կը տանջուին .
վերէն արեւ կը կիզահարէ , ներքուստ գիշակեր անգղեր
և ագռաւներ կտցահարելով՝ թել թել միսեր ոսկորնե-
րէն կը քաշեն : Դանակ մի առէ՛ք՝ կտրեցէ՛ք նոցա վի-
ղեր , որ երթան հանգչին :

Ո՛վ սոսկալի անգթութիւն . անագորոյն Քրդեր
հապճեպով հասան , մաճկալներ , հօտաղներ սրակոտոր

սպանին , և թրերով կտրատեցին եղնամուկներուն և գոմէշներուն հաստասկիւղ ջիւերը . խեղճ անասուններ տապալկեցան ակօսներու մէջ , և առանց պարանոցներ կտրելու՝ սկսան շերտ շերտ քամակներէն կաշիներ հանել . այդ անվարտի միաշապիկ բոկոտն վայրենիք տրեխներ շինեցին իրենց համար . որ կ'երթային երկաթէ կօշիկներուն հետ կռուիլ :

Արդա՛ր Աստուած , եթէ դու աշխարհիս վերայ յանցապարտներ՝ և մերթ եւս անմեղներ տանջելով կը լնուս ու կը կատարես արդարութեանդ չափն ու հատուցումն , միթէ անասունքն եւս յանցապարտ են քո առաջ . այդ անողորմ ամբարշտաց աղիքներ չե՞ս կտրատեր նոցա փորին մէջ . դու որ Նինուէի անասնոց խնայեցիր , այս անխօսուն հեծող անասնոց դատաստանը չե՞ս տեսներ :

Արեւն 'ի մայր մտաւ , այլ ձեզ համար հանգիստ ու դադար չկայ , կտրի՛ճ ժամհարներ . Տոբիթի նման առաքինացէ՛ք , գիշերաժամուն ելէք՝ լուսնի լուսով ժողովեցէք Հայ մարտիրոսաց նշխարներ . մայրերու գրկէն ու կուրծքէն մի՛ բաժնէք յօշոտուած մանուկներ . մի՛ դպիք , մի՛ կրկնէք այդ արիւնշաղախ դիակներ , պատան պէտք չէ՛ , կանաչ խոտերու մէջ փաթթեցէք Հայոց կանաչարեւ և ծուռումուռ մեռելներ . թէ պատառ մի կտաւ կը գտնէք , կենդանւոյն մեռած Հայոց հոլանի կիներուն և կոյսերուն տուէք , որ պատատեն իրենց առականքը . բաւ է՝ թէ այդ անտէր մեռելներ , Քրիստոսի անուան զոհեր՝ իրենց արիւնոտ շապիկներով և պատառատուն ցնցոտիներով թաղէք : Թող նոցա ոգիներ երթան Երկնից մէջ պայծառազգեստ լինին :

Այլ գիտե՛մ ես , գիտե՛մ , ո՛վ Հայոց անթաղ դիակներ , ձեզ համար ոչ քահանայ կայ , ոչ ժամահար , ոչ յուզարկաւոր , ոչ սիրելի , ոչ բարեկամ . սարսուռ և

արհաւիրք ամենուրեք տիրեր է, ո՛վ կը համարձակի կատարել ձեր թաղման հանդէսը : Ո՛հ, ո՛հ, Հայոց որդիքներ, հող ու դաշտ շատ ունէիք, գետնի երես դուք անհող, անծածկոյթ մնացիք, երկնից թռչուններ և երկրի շուններ ժողովեցան՝ կերան ձեր մարմին, կրծքին ձեր ոսկորներ . մինչ ողջ էիք՝ բռնութիւն զձեզ կեղեքեց ու քերթեց . և մեռնելէն յետոյ՝ թերեւս ասացիք թէ ազատուեցանք տառապանքէն, հանգչինք՝ հողին մէջ . ո՛չ, ո՛չ, հանգստեան հող չտուին ձեզ . զի նոյն անողոք բռնութիւն՝ ձեր անշունչ դիակներն եւս հատահարեց :

Ո՛վ՝ Լուսին Լուսին, Հայոց աշխարհէն կու գաս, Բագրեւանդայ կոտորածի դաշտերէն անցա՞ր . այնպէս կը թուի որ գիշերաժամուն մէջ շառաւիղներդ արիւնոտ դիակներու վերայ զարնելով՝ երեսդ շառագուներ է : Մի՛ անցնիր՝ ճեպով . պահ մի կա՛ց Բիւզանդիոնի հորիզոնին վերայ, պանդուխտ Հայերուն լո՛ւր տուր Հայոց աշխարհէն . լո՛ւր տուր մեր թշուառ ընտանիքներէն, ո՛վ մեռաւ, ո՛վ մնաց, ո՛վ գերեցաւ և ո՛վ թողուց հայրենիք՝ գաղթական գնաց : Թողուց իւր հասած հունձեր, թողուց իւր հօտն ու նախիր, թողուց իւր կեանքն և ամենայն ինչ : Մերկ, կողոպուտ գնաց . ասաց թէ՛ անցնիմ այս կարմիր ծովէն և միանգամ ազատիմ շարանաց աշխարհէն :

Ո՛վ՝ Լուսին Լուսին, Մասիսի գագաթէն անցա՞ր, զաշերդ շուրջ ածի՞ր, Արագածի ոտքը՝ էջմիածնայ պարսպին տակ թափած Հայոց գաղթական ժողովուրդն տեսա՞ր որպէս յաշնանավերջին ծառերէն թափուած դեղնած տերեւներ . դիտեցի՞ր նոցա ապաժոյժ վիճակ . տեսա՞ր այն գետնի վերայ նուաղած ու թափկացած մայրեր, որոց ցամբած կուրծքերէն կախուեր էին դիեցիկ մանուկներ . նոքա կական բառնալով կաթ կը խընդրէին և մայրեր զհաց :

Ո՛վ Հայր ու Հայրապետ Հայոց, Էջմիածնայ վեհա-
րանի լուսամուտէն կը դիտէ՞ք դէպ 'ի Բագրեւանդայ
կոտորածի դաշտ , թէ կ'ասէք հեռու է աչքէս և կարճ
է իմ ձեռքս . ուրեմն թողէ՞ք մեռելոց դաշտը՝ դարձու-
ցէ՞ք ձեր աչքը գաղթական ժողովուրդին վերայ , որ
կենդանւոյն մեռած ու թաւալած են Էջմիածնայ պա-
րիսպներուն տակը : Է՛ջ այտի , դու ինքնին հայրական
գորովովդ մատակարար եղիր . դոքա սուրբ Գրիգորի
մնացորդ որդիքներն են . տե՛ս , ի՞նչպէս մերկ , կապուտ
կողոպուտ , անինչ անստացուած ձեր հայրական գիրկ
դիմեր են , հաց կ'ուզեն , հանդերձ կ'ուզեն , հանգըս-
տարան կ'ուզեն . ժողովէ՛ , պատսպարէ՛ գիրենք Այրա-
րատայ ծոցին մէջ : Դոքա Եփրատայ ակներէն և Նպատ
լեռնէն կու գան , Երասխէն , Արագածէն և Մասիսէն
պաշտպանութիւն կը խնդրեն , ո՛հ , չգիտեմ թէ կը
գտնեն՝ թէ յուսով կը թափառին :

Ո՛վ իմ լրացեալ Լուսին , Վասպուրական աշխարհի
Աղբակու գաւառէն անցա՛ր , և ի՞նչ տեսար . ես քան
զքեզ յառաջ գիտեմ այդ , դու պատմէ՛ մեզ : Պարսկա-
կան Քրդաց հրոսակներ յարձակեցան , աւարեցին տա-
րան բոլոր Հայոց գեղեր : Անճարակ ժողովուրդ երբ
մերկացաւ իւր կեանքէն և գոյքէն , շուարեցաւ մնաց .
ասաց թէ ո՛ւր երթամ , ո՛ւր ապաստանիմ , գէթ հոգիս
ազատեմ . երկու կրակի մէջ մնացի և կը խորովիմ : Ո՛հ ,
ակամայ ընտրեց նա թողուլ քաղցր հայրենիք՝ գաղթա-
կան երթալ , կամովին ձգել զինքն Պարսկական հին կրա-
կին մէջ , որ երբեմն մեր աշխարհ և մեր նախնիքներ
վառեց ու մոխիր դարձուց :

Բա՛րդուղիմէ , Բա՛րդուղիմէ , Հայոց նախկին լո՛յս ու
լուսաւորիչ , ո՛ւր ես . տարա՛ն , տարա՛ն քո փոքրիկ
հօտն ու ժողովուրդ , որ քո հովանեաց տակ և գերեզ-
մանիդ շուրջ կը բնակէր : Կողոպտեցին ու քանդեցին
հազարամեայ հնաչէն վանքդ . այդ բաւական չէր , յան-

դ գնեցան պիղծ ձեռքեր փորել ու կրկտել հազար ութ հարիւր տարուան կնքուած տապանդ . այդ յիմար և ապիրատ ազգ կարծեց որ գերեզմանդ գանձերով լի է կամ սուրբ ոսկորներդ ոսկի դարձեր են :

Այլ եւս ինչ որ գիտես ու տեսար , պատմէ՛ մեզ , ո՛վ Լուսին , Հայոց աշխարհի ցաւեր և աղէտներ մեզմէ մի՛ ծածկեր : Կ'ասեն թէ մեր հաւատոյ ոսոխն ու թըշնամին . . . երբ Բագրեւանդայ կոտորածէն յետս կը դառնար , գեղեցիկ կիներ ու կոյսեր ընտրելով առաւ տարաւ իւր բանակին հետ . տարաւ փակեց Խիզանու գաւառին մէջ , ուր այդ չարաշուք գաղանին որջն է . ուր 'ի սկզբանէ անտի սովորած էր միշտ Աւետարանի հօտէն հանել ու խառնել իւր գունդերուն հետ :

Լէնկթիմուրի գերեզմանի որդերէն ծնած ո՛վ չարաճճի սողուն , կրծելով կրծեցիր Հայու միսն ու ոսկոր , օձանման սողալով մտար Հայոց դրախտը , ամեն ծաղիկներ և կանաչ բոյսերը պղծելով ապականեցիր , չարչարեցիր Աստուծոյ խոնարհ ժողովուրդ , և ասացիր դու ինքնին թէ՝ ո՛չ կը տեսնայ և ո՛չ 'ի միտ կ'առնու Յակովբայ և Գրիգորի պաշտեալ Աստուած :

Իմացի՛ր , իմացի՛ր , ո՛վ անմիտ և անզգամ , թէ արդար դատաւորն Աստուած իւր ծառայներուն վրէժխնդիր է , և նոցա անպարտ արիւն պիտի խնդրէ քու ձեռքէն . կը մեռնիս և 'ի դժոխս կ'իջնաս . նոյն գերեզմանի որդունք՝ յորմէ ծնար դու , և դքեղ պիտի ուտեն ու կրծեն . պիտի փշրին սրածանի ատամունքներդ , զորս կը կրճտէիր հաւատացեալ ծառայներուն վերայ :

Ո՛հ , Հայոց աշխարհ , ո՛հ , աղէտներդ անբաւ անկշիռ են , զորս կրեցիր դու այս նոր Լէնկթիմուրի ձեռքէն : Ես ուշամտաց եղայ և չգիտեմ թէ զո՞րն ողբամ : Քանդուած գեղերդ ողբամ , վարատեալ ժողովուրդդ :

ողբամ, 'ի սար և 'ի ձոր թափառական ընտանիքներդ
ողբամ, հայրենիքէն վարեալ գաղթական որդիքներդ
ողբամ, յափշտակեալ կիներդ և կոյսերդ ողբամ, քան-
դուած վանքերդ և սլլծեալ տաճարներդ ողբամ, ան-
հաց, անապրուստ, անճարակ ու թշուառ կեանքդ
ողբամ, վաստակաւոր մշակներդ ողբամ, որ բարդ 'ի
բարդ հնձուեցան ու որայի նման փուռեցան արտերուդ
մէջ, որոց արեան ցնցուղներ ցայտեցին և կարմիր ներ-
կուեցան ցորենի հասկեր և հատիկներ :

Պահ մի կերէ՛ք այդ արիւնոտ հաց ու յագեցէ՛ք,
դուք՝ որ երկրագործ ժողովուրդը կոտորեցիք, վաստա-
կաւոր եղնամուկներ մորթեցիք, հողագործին խոփն ու
հարօր և սայլեր ջախջախեցիք, ոչխարաց հօտերը լեռ-
ներէն աւարեցիք, կաթնարար տանտիկները կամ մե-
ռուցիք կամ փախուցիք . ինչ որ արդիւնաբեր էր երկ-
րին և տէրութեան շահ, ինչ որ ձեր անշահ և անվաս-
տակ կեանքին առաստ հացն ու սեղանն էր, դուք զայն
ամեն ձեր ձեռքով կործանեցիք . կարծեցիք թէ ու-
րիշներու կեանքը կ'սպաննէք ու կ'սպառէք, բայց
դուք ինքնին անձնասպան եղաք ու չիմացաք :

Տեսցուք այսուհետեւ թէ ուստի՞ պիտի յագենայք,
երբ մշակ ժողովուրդին կեանքն և ոյժը ջլատեցիք . նոքա
որ մեռան, հողն իրենց հանգիստ գտան ու աղատուե-
ցան տառապանքէն . օ՛ն և օ՛ն արասցէ Աստուած՝ եթէ
դուք առանց հողի և մշակի՝ ողջ մնայք երկրիս վերայ :

Ո՛չ միայն կշտապինդ կերայք, այլ և խեղճ գեղա-
ցւոյն կեանքը անխղճապէս կողոպտեցիք, ոչ ինչ չթողիք .
թէ շտեմարանին մէջ մի գոռ ցորեան կար, թէ իւղա-
մանին մէջ մի կշիռ իւղ, թէ մառանին մէջ փոքր ինչ
պաշար՝ որ իւր տղոց բաժին ու հոգեպահիկն էր,
զայն ամեն հանիք թափեցիք 'ի դուրս, աղբիւսներու
մէջ խառնեցիք, որպէս զի գիւղացի ընտանիք սովալլուկ

դժնեցան պիղծ ձեռքեր փորել ու կրկտել՝ հազար ութ հարիւր տարուան կնքուած տապանդ . այդ յիմար և ապիրատ ազգ կարծեց որ գերեզմանդ գանձերով լի է կամ սուրբ ոսկորներդ ոսկի դարձեր են :

Այլ եւս ինչ որ գիտես ու տեսար , պատմէ՛ մեզ , ո՛վ լուսին , Հայոց աշխարհի ցաւեր և աղէտներ մեզմէ մի՛ ծածկեր : Կ'ասեն թէ մեր հաւատոյ ոսոխն ու թըշնամին . . . երբ Բագրեւանդայ կոտորածէն յետս կը դառնար , գեղեցիկ կիներ ու կոյսեր ընտրելով առաւ տարաւ իւր բանակին հետ . տարաւ փակեց Խիզանու գաւառին մէջ , ուր այդ չարաշուք գազանին որջն է . ուր 'ի սկզբանէ անտի սովորած էր միշտ Աւետարանի հօտէն հանել ու խառնել իւր գունդերուն հետ :

Լէնկթիմուրի գերեզմանի որդերէն ծնած ո՛վ չարաճճի սողուն , կրծելով կրծեցիր Հայու միսն ու ոսկոր , օձանման սողալով մտար Հայոց դրախտը , ամեն ծաղիկներ և կանաչ բոյսերը պղծելով ապականեցիր , չարչարեցիր Աստուծոյ խոնարհ ժողովուրդ , և ասացիր դու ինքնին թէ՝ ո՛չ կը տեսնայ և ո՛չ 'ի միտ կ'առնու Յակովբայ և Գրիգորի պաշտեալ Աստուած :

Իմացի՛ր , իմացի՛ր , ո՛վ անսիրտ և անզգամ , թէ արդար դատաւորն Աստուած իւր ծառայներուն վրէժխնդիր է , և նոցա անսպարտ արիւն պիտի խնդրէ քու ձեռքէն . կը մեռնիս և 'ի դժոխս կ'իջնաս . նոյն գերեզմանի որդունք՝ յորմէ ծնար դու , և զքեղ պիտի ուտեն ու կրծեն . պիտի փշրին սրածանի ատամունքներդ , զորս կը կրճտէիր հաւատացեալ ծառայներուն վերայ :

Ո՛հ , Հայոց աշխարհ , ո՛հ , աղէտներդ անբաւ անկշիռ են , զորս կրեցիր դու այս նոր Լէնկթիմուրի ձեռքէն : Ես ուշամոռաց եղայ և չգիտեմ թէ՛ զո՞րն ողբամ : Քանդուած գեղերդ ողբամ , վարատեալ ժողովուրդդ :

ողբամ, 'ի սար և 'ի ձոր թափառական ընտանիքներդ
ողբամ, հայրենիքէն վարեալ գաղթական որդիքներդ
ողբամ, յափշտակեալ կիներդ և կոյսերդ ողբամ, քան-
դուած վանքերդ և սլշեալ տաճարներդ ողբամ, ան-
հաց, անապրուստ, անճարակ ու թշուառ կեանքդ
ողբամ, վաստակաւոր մշակներդ ողբամ, որ բարդ 'ի
բարդ հնձուեցան ու որայի նման փռուեցան արտերուդ
մէջ, որոց արեան ցնցուղներ ցայտեցին և կարմիր ներ-
կուեցան ցորենի հասկեր և հատիկներ :

Պահ մի կերէ՛ք այդ արիւնոտ հաց ու յագեցէ՛ք,
դուք՝ որ երկրագործ ժողովուրդը կոտորեցիք, վաստա-
կաւոր եզնամուկներ մորթեցիք, հողագործին խոփն ու
հարօր և սայլեր ջախջախեցիք, ոչխարաց հօտերը լեռ-
ներէն աւարեցիք, կաթնարար տանտիկները կամ մե-
ռուցիք կամ փախուցիք . ինչ որ արդիւնաբեր էր երկ-
րին և տէրութեան շահ, ինչ որ ձեր անշահ և անվաս-
տակ կեանքին առատ հացն ու սեղանն էր, դուք զայն
ամեն ձեր ձեռքով կործանեցիք . կարծեցիք թէ ու-
րիշներու կեանքը կ'սպաննէք ու կ'սպառէք, բայց
դուք ինքնին անձնասպան եղաք ու չիմացաք :

Տեսցուք այսուհետեւ թէ ուստի՞ պիտի յագենայք,
երբ մշակ ժողովուրդին կեանքն և ոյժը ջլատեցիք . նոքա
որ մեռան, հողն իրենց հանգիստ գտան ու ազատուե-
ցան տառապանքէն . օ'ն և օ'ն արասցէ Աստուած՝ եթէ
դուք առանց հողի և մշակի՝ ողջ մնայք երկրիս վերայ :

Ո՛չ միայն կշտապինդ կերայք, այլ և խեղճ գեղա-
ցւոյն կեանքը անխղճապէս կոլոպուեցիք, ոչ ինչ չթողիք .
թէ շտեմարանին մէջ մի գոռ ցորեան կար, թէ իւղա-
մանին մէջ մի կշիռ իւղ, թէ մառանին մէջ փոքր ինչ
պաշար՝ որ իւր տղոց բաժին ու հոգեպահիկն էր,
զայն ամեն հանիք թափեցիք 'ի դուրս, աղբիւսներու
մէջ խառնեցիք, որպէս զի գիւղացի ընտանիք սովալլուկ

մեռնին . բայց միթէ դուք պիտի մնայք ու ապրի՞ք ,
ժա՛նտ խորամանկներ :

Ո՛հ , որչա՛փ իղձ կը լինիմ ես , և ո՞ տայր ինձ , Հա-
յո՛ց աշխարհ , որ ողբերուս հետ սփոփանք խառնելով
զքեզ մխիթարէի և սրբէի լացող ժողովուրդիդ գետա-
հոս արտասուքը , զոր թափեց նա իւր արեան հետ :
Բայց ես էլ կը վարանիմ Մարգարէին պէս և կը գոչեմ ,
« Ո՛վ մխիթարեսցէ զքեզ , դո՛ւստր Սիօնի , զի ծան-
րացաւ բաժակ բեկման քո » :

Այո՛ , կարի յոյժ դառնացաւ քո բաժակ , Հայո՛ց
աշխարհ . չգիտեմ թէ ո՞րպէս յուսադիր լինիմ ու մխի-
թարեմ զքեզ . զի ես էլ քո տարաբաղդ որդիքներէն
անմխիթար մի զաւակն եմ , որ բախտն ինձ միշտ լալ վի-
ճակեց ու երբէք չխնդացի : Եւ ի՞նչպէս խնդայ քո հէք
ողբերգուն , երբ քո կեանք՝ ողբոց ու ցաւոց աշխա-
րան է :

Այլ մխիթարեա՛ց , մխիթարեա՛ց , Մա՛յր Հայաստան ,
զի դու սովորած ես ցաւեր ու վիշտեր կրել . հազար
անգամ մահաբեր երկունքներ զքեզ ըմբռնեցին և դու
հանդուրժելով անցուցիր երկունքներդ և ողջ մնացիր :
Հազար բիւր աղէտներ տեսար , միշտ որդիքներդ գըր-
կէդ վարաաեցան , բայց դու երբէք չվհատեցար , զի
ողիդ պողպատի նման պինդ և աննկուն է : Հազար
անգամ գերեզմանին դուռը հասար , թշնամիներդ տե-
սան՝ ծափ զարկին , թէ վա՛շ , մեռաւ Մայր Հայաստան ,
և դու անդրէն Ղազարոսի նման վերածնար գերեզ-
մանէն :

Միթէ մարդոյն կամ օտարին ձեռք կարո՞ղ է զքեզ
մեռուցանել , երբ դու ինքնասպան չը լինիս , և երբ
յոյսդ անմահութեամբ լի է : Թէ խորամանկութիւն կը
ճգնի որդիքներդ ընկճել , որչա՛փ հնարէ՝ հարստահարել

ու վարատել, որպէս զի դու անբարդ աւաճ մնաս, անձեռ սպառիս, կամ այդ վերահաս թշուառութեանդ մէջ բռնորովին չքաւորիս, նկու՛ն դառնաս, ոգիդ ստըրկանայ և երբէք ազատութիւն չմտաբերես :

Թէ աշխարհիս խորամանկութիւնն քեզ համար այսպիսի դաւ կը նիւթէ, դու եւս մորձառութեամբ ուսի՛ր, խորագէ՛տ եղիր, այնպէ՛ս անցիր դաւերէն՝ որ զքեզ չտեսնայ դարանամուտն. յուշի՛կ անցիր գնա՛յառաջդ իմութեանդ մէջ. մի՛ դոչեր, մի՛ աղաղակեր. թէ կը խօսիս, թէ կը գործես, լռին և անձայն եղիր :

Մի՛ վհատիր, ժողովուրդ, թէ զքեզ չարչարելով խոնարհ արարին, ոտքիդ առաջ որոգայթներ լարեցին. դու հաւատ ունիս, Աւետարան ունիս, խաչակրութիւն ուխտեր ես, կոխի՛ր, անցի՛ր այդ Բարիօքնի կրակը, թող տեսնան ու զարմանան աշխարհի որդիքներ :

Այո աշխարհ և աշխարհիս գահեր՝ ամեն գայթաղութիւն և որոգայթներ ունին. խեղճ և սորուկ ժողովուրդներ բռնաբարուած են և կը գոչեն ազատութիւնն ազատութիւնն : Այլ ոչինչ ճար չունին, դորա միակ ազատութեան ճար՝ լոյս և կրթութիւնն է. դու զայն երբ 'ի ձեռս բերես, այն օր է միայն քո ազատութեան տօնահանդէս :

Ո՛վ Բագրեւանդայ դժբաղդ որդիքներ, վայրագ խուժն զձեզ կոտորեց, վատ և ապիկար Քիւրդն ժողովեց տարաւ զձեզ 'ի սպանդանոց, դանակը առաւ և միահամուռ մորթեց զձեզ, կացնով ձեր ոսկորներ ջարդեց, դուք անխօս՝ անմուռնչ՝ անչարժ մնացիք, որպէս ոչխար՝ իւր կտրչին առաջ :

Անխնայ մորթուեցայք, այլ եւս պիտի մորթուիք. այս աշխարհիս օրէնք, կարգ ու խղճմտանք այսպէս է .

մարդիկ՝ որ տէր են և կ'իշխեն անասնոց, ոչխարի նման՝ մարդիկներէն պիտի մարթ ուին, և որ չուեն խեթ-կիչ եղջիւր, որ ցուլի նման ողորին իրենց կտրիչներուն դէմ:

Յ՛ուշ, յ՛ուշ, ո՛վ կոտորուած դառներ, ո՛վ Հայոց ողջ ու մնացորդ որդիքներ, դեռ պիտի կոտորուիք, դեռ պիտի մարթ ուիք այդ չքոտի Քիւրդերէն, քանի որ անդէն, անեղջիւր, անասպար կ'ասլիք. դուք մարդ էք, ձեռք և բազուկ ունիք, միթէ անզգացած մեռե՞ր է ձեր սրամտութեան ոգին. միթէ կը հաւատայք որ իշխանութեան աչքը հասնի մինչեւ Հայոց ամայի լեռներ ու դաշտեր և ձեզ պահապան լինի:

Ես գիտեմ ու կը ստանամ գրեզ, որ իրեւ մի անյարիր անդամալոյծ՝ Պրովպատիկէ աւազանին չուրջն ինկած, անոք, անօգնական մնացեր ես. ո՛հ, հիւանդութեանդ չըջանը չէ թէ երեսուն և ութ ամ է, այլ չորեքհարիւր ամ, անդամներդ ամեն բեկբեկուած, ոտքէդ մինչեւ ՚ի գլուխդ վէրքերով լցուած, մարդ չի՝ հաւատար թէ՛ դու այլ եւս կ'ողջանաս ու կը չըջիս աշխարհիս վերայ. ոգիդ կենդանի է ու կը տրոփայ, չուչ մի ունիս, որ շարունակ կ'աղաղակես ու կը սղաղատիս, Տէ՛ր, ես անոք եմ և չուիմ ինձ օգնական, որ զիս աղաւտութեան աւաղանին մէջ ձգէ և ես բժշկուիմ այս շարախտ և շարաշուք ստրկութենէն:

Գոչէ՛, դոչէ՛, ո՛վ անճարակ հիւանդ, քո օգնական՝ Տէրն է. աշխարհիս վերայ քեզ ոչ ոք օգնական չկայ: Դու Պուլկար չես, որ Օրթոտօքս եկեղեցւոյ Չարը քեզ զօրավիգ հասնի. Կաթողիկոսն է, որ Հռօմ կամ Ֆրանսան գրեզ պաշտպանէ. Բողոքական չես, որ սուրբերու բարեխօսութիւն թողուս և Ուկիանու Թագուհին քեզ բարեխօս բռնես, որ թերեւս գթայ և դարման տանի. զի դու Հայաստանեայց Եկեղեցւոյ ազատ զաւակն ես, իրեւ անծանօթ՝ մոռացեալ՝ երկրի մէջ կը բնակիս:

տորա՞ համար արդեօք մարդոց սրտէն ու մարդասիրութեան մոռցուած ես դու :

Մատի՛ր , ո՛վ Յիսուս , մատի՛ր , հիւանդ և անկեալ Հայուն օգնական չկայ աշխարհիս վերայ , մատի՛ր , ձե՛ռն տուր այդ հինօրեայ անդամալուծին , որոյ բազմապատիկ ցաւոց ու վիրաց վերայ այլ եւս անհնարին ցաւս ու վէրս յաւելին այժմիկ : Ասա՛ , ո՛վ ազատարար բժիշկ և փրկիչ , թէ՛ արի՛ , ա՛ռ զմահիճս քո և ե՛րթ յազատութիւն :

Ո՛վ դու մաշած և հիւծած հիւանդ , թէ՛ յիրաւի՛ բժշկութիւն կը ժտես , թէ՛ ստոյգ ազատութեան կը ցանկաս , օ՛ն ուրեմն , փոքր ինչ խլրաի՛ր մահճիդ մէջէն , ինքնաշարժ եղիր . ահաւասիկ Աստուծոյ մատն ու հրեշտակ աշխարհիս յեղափոխութեան աւազանին ջուրերը կը յուզեն . ով որ զինքն վաղ ձգէ նորա մէջ , նա միայն իւր ցաւերէն ազատ կը լինի :

Թէ՛ չգիտես , ես՝ իրրեւ դաս՝ խօսիմ քեզ , որ դու խեղամտիս թէ՛ քանի՞ թա՛գ է ազատութեան գին . աշխարհիս փրկիչ զայն իւր խաչով և արիւնով դնեց . նոյնգունակ մեր նախնի քաջեր Եկեղեցւոյ և Հայրենեաց ազատութիւն մահով և արիւնով գնեցին : Միթէ՛ դու ցանկալի ազատութիւն առանց զոհի և արեան ձրի՞ ստանալ կ'ուզես :

Թո՛ղ , թո՛ղ որ դարձեալ ողբամ դքեզ , Հայո՛ց աշխարհ և ժողովուրդ . մինչ աշխարհիս ջրայուզման և արեան ալիքներուն մէջ այլ և այլ ազգեր կը լողան ազատութեան նաւահանգիստ գտնել , դու ալեաց ելեւէջներու մէջ կը տատանիս . գիշերալոյս փարոսներ չունիս , նաւահանգի՛ստ , նաւահանգի՛ստ , կ'որոնես և չես գտներ : Այդ յայտնի է , թէ՛ դեռ անարուեստ ես , լողալ չգիտես :

Թո՛ղ ուրեմն այժմիկ ազատութիւն , միայն խաղաղութիւն խնդրէ . դեռ քեզ համար ուսումն և կրթութիւն պէտք են , և դու այդ քո տատանման մէջ Պետ-

րոսի նման ձեռներդ օրհուսին կարկառէ և ասա . Տէ՛ր ,
քո ձեռն տուր՝ զիս փրկէ . եթէ թողուս ու չփրկես , Տէ՛ր ,
ես կը կորնչիմ աւասիկ :

Յուշ կ'առնեմ քեզ , Տէ՛ր , մինչ մի նուագ Տիրերական
ծով կ'ալեկոծէր , զու 'ի խելս նաւուն անխռով կը նըն-
ջէիր , ձայն տունին քեզ աշակերտներդ , զարթի՛ր ասա-
ցին , Տէ՛ր , զարթի՛ր , գի կորնչիմք աւասիկ :

Ո՛վ զու անքուն սլահապան աշխարհի , որպէս թէ
չէիր գիտեր և չէիր լսեր ծովալիքներուն ձայն , եւոր
յանդիմանեցիր նոցա թերաշաւաւու թիւն , մենչող ծով
լսեց քո ձայն ու հանդարտեցաւ և դարձաւ 'ի խոր խա-
ղաղութիւն :

Միթէ և այժմ կը ննջե՞ս զու երկնից գահուդ վե-
րայ , և երկիր՝ որ ոտքիդ սլատուանդան է , կը սասանի
ու կ'երերայ . պատերազմի դաշտերէն Նյուրի ահեղ
թնդանօթներ կ'որոտան , հրալից դնտակներ կը թա-
փեն , մի խուն վայրկենի մէջ ժողովուրդի կայտառ զաւակ-
ներ բարդ 'ի բարդ որայի նման մահուան ագարակներու
մէջ կը թօթափեն , և դու չե՞ս տեսնար և չե՞ս իմանար :

Հայեաց և տես , ո՛վ Տէ՛ր , թէ ի՞նչպէս Սպիտակ և
Սեւ ծովերու կատաղի կոհակներ գիրեար կը բալխեն ,
հիւսիս և հարաւ հակառակ հողմերով փոթորիկներ կը
հանեն , երկուստեք սեւ սեւ ամպեր կ'որոտան , բար-
կաճայթ կարկուտներ կը թափին , աշխարհիս մարդկու-
թեան ծառերն ու ծառաստաններն ջարդուելով լեհուե-
լով տապալեցան 'ի գետին :

Երբ այս ծովեր կը խռովին ու ցամաքն եւս արեան
ալիքներով կը ծփայ , ի՞նչ կը խորհի և կը գործէ խա-
ղաղական Ուկիանոս . — ներքուստ միայն կը մռնչէ նա և
ուրիշ ոչինչ : Իւր խուլ և անորոշ ձայնէն միայն այս կը
լսեմք , որ կ'ասէ . գնացէ՛ք կռուեցէ՛ք . ինձ ոչինչ է
փոյթ . միայն թէ հեռո՛ւ հեռո՛ւ , իմ շահուս մի՛ դպիք ,
ապա թէ ոչ՝ և ես կը յուզուիմ :

Ո՛վ կիանէ, Ո՛վ կիանէ, որ կը պարծիս թէ ամեն ծովերէն մեծ և հարուստ եմ, որ կը քարոզես թէ մարդասէր եմ, խաղաղութիւն կը սիրեմ, Աւետարան կը սիրեմ, և յաճախ կը կարդաս Բիսուսի այս բան « Երանի՛ խաղաղարարաց , զի նոքա որդիք Աստուծոյ կոչեսցին . » :

Երկնից աչք կը տեսնայ , գիտէ և կը քննէ քո խոր երկամուկը . իսկ աշխարհի առաջ չքմեղս լինելով ստէպ ստէպ յայտարարեցիր , թէ տքնեցայ ու ջանացի որ խաղաղութիւն հաստատեմ , բայց ընդունայն համարեցաւ իմ ջանք . ձեռքս լուացի և ասացի թէ քաւեալ եմ ես այդ պատերազմի արեւնէն . և դու սառն աչքով կը դիտես այսի այժմ արեան դաշտին վերայ :

Ո՛վ գահերու գառաւոր Աստուած , կը տեսնաս դու , Արեւելեան խնդիր մի կայ աշխարհիս վերայ , որ Գորգեան հանգուրց դարձեր է . այս քանի՛ ամ է , որ այդ խնդիրը աշխարհները կը խռովէ , ժողովրդոց խաղաղութիւնը կը բառնայ . Եւրոպիոյ գահերն ու դիւանագէտք չկամեցան կամ չկարացին լուծել զայն , զոր հին դիւցազն Աղէքսանդր մի հարուածով ընդ մէջ կտրելով լուծեց այդ հանգուրցը :

Իսկ նորն ասաց , 'ի բա՛ց կացէք , ձեռնամուխ մի՛ լինիք , այդ խնդիրն իմ բաժին և իրաւունքն է , թողէք ես միայնակ կը լուծեմ զայն : Չարնելով զարնելով բազուկներ պարտասեցան . կ'ասեն թէ սուրն եւս բթացաւ , և հանգուրցը դեռ անլուծանելի մնաց :

Ո՛վ դժոխային կնճիռ , որ մարդկանց արիւնով կը մածանիս և քանի երթաս՝ կը կնճուիս , թշուառ ժողովուրդներ որչա՛փ զոհեր տուին և որչա՛փ արիւն թափեցին քեզ համար : Թէ լուծուիս՝ Պուլկարիոյ արեան գին ազատութիւն կը խոստանաս . այլ կը մոռնաս ու բնաւ չես յիշեր Հայոց անպարտ արիւն և իւր տուած անհուն զոհեր :

Ո՛վ Երկնից արդարութիւն , մարդկանց փրկութիւն ընդունայն է . սուրդ երկայնմտութեան պատենէն հա՛ն ,

